



Broj: 26-30-3799-4/22
Sarajevo, 11.02.2022. godine

Na osnovu člana 28. Zakona o državnoj službi u Kantonu Sarajevo ("Službene novine Kantona Sarajevo", broj: 31/16 i 45/19), člana 47., stav (3), tačka j), člana 59., stav (1), tačka d), podtačka 10. Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj: 14/21) i člana 11. Pravilnika o plaćama i naknadama državnih službenika i namještenika u Zavodu za informatiku i statistiku Kantona Sarajevo ("Službene novine Kantona Sarajevo", broj: 34/21), direktor Zavoda za informatiku i statistiku Kantona Sarajevo donosi

RJEŠENJE **o uvećanju plaće po osnovu posebne prirode posla**

1. Timuru Gadži, državnom službeniku, raspoređenom na radno mjesto Stručnog savjetnika-sistem inženjera u Sektoru za informatiku i razvoj, Služba za informatiku u Zavodu za informatiku i statistiku Kantona Sarajevo (u daljnjem tekstu: Zavod), utvrđuje se uvećanje plaće po osnovu posebne prirode posla u iznosu od 20% od osnovne plaće, bez dijela plaće po osnovu radnog staža.

2. Ovo Rješenje se primjenjuje od 01.01.2022. godine i važi do isteka važećeg Kolektivnog ugovora ili ranije u slučaju drugačijeg dogovora pregovaračkih timova Vlade Kantona Sarajevo i Samostalnog sindikata državnih službenika i namještenika Kantona Sarajevo.

OBRAZLOŽENJE

U "Službenim novinama Kantona Sarajevo", broj: 14/21, dana 08.04.2021. godine objavljen je Kolektivni ugovor za državne službenike i namještenike u organima državne službe Kantona Sarajevo koji je stupio na snagu danom potpisivanja između Vlade Kantona Sarajevo i Samostalnog sindikata državnih službenika i namještenika Kantona Sarajevo. Interni akti Zavoda su blagovremeno usklađeni s propisanim odredbama Kolektivnog ugovora. Članom 59. Kolektivnog ugovora je propisano pravo na uvećanje plaće po osnovu posebne prirode posla za poslove planiranja, razvoja i održavanja informacijskih i komunikacijskih tehnologija u javnoj upravi koje obavljaju državni službenici i namještenici. Odredbe člana 59. Kolektivnog ugovora se nisu primjenjivale u 2021. godini zbog nedostajućih sredstava u Budžetu Kantona Sarajevo. Dana 09.02.2022. godine Komisija za tumačenje odredaba i praćenje primjene Kolektivnog ugovora je donijela Odluku, broj: 03-03-02-3380/21 kojom je potvrđeno da su se stekli uslovi za primjenu člana 59. Kolektivnog ugovora.

Na osnovu izloženog odlučeno je kao u dispozitivu Rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije BiH u roku od 15 dana od dana prijema Rješenja.

DIREKTOR

Mr. Dino Senovic



Dostaviti:

- ① Imenovani
2. Personalni dosije
3. Ministarstvo finansija Kantona Sarajevo
4. a/a